


SVAR PÅ SPØRSMÅL TIL AKTUELLE KANDIDATAR TIL NY BISKOP I STAVANGER BISPEDØME

Øystein Bjørdal (60) Domprost i Molde



1. Kva visjonar har du for Den norske kyrkja framover?

Den overordna visjonen for Den norske kyrkja er god: ei open, vedkjennande, tenande og misjonerande kyrkje! Eg ønskjer meg ei tydeleg kyrkje som ikkje berre er engasjert, men som kan vere ein åndeleg heim. Ei kyrkje for livsutfalding og der menneska kan tolke og forstå liva sine i den store samanhengen. Eg ønskjer meg ei kyrkje der vi byggjer og utviklar kyrkjelydane, der den grunnleggande læra og vedkjenninga ligg fast og der strukturar og arbeidsmåtar er i god utvikling.

2. Kva for kyrkjeforståing har du?

Truvedkjenninga sine ord gir god mening: ei heilag, allmenn kyrkje. Kyrkja er synleg som ”jordens største under” og samstundes er ho Kristi lekam på jorda. Dette mysteriet er vi ein del av og det minner om Jesus som sann Gud og sant menneske på same tid. Eg er ein glad statskyrkjeprest og kyrkja vår gir ei eineståande kontaktflate til å forkynne evangeliet. Men det er også spenningsfullt. Den lutherske toregimentslæra og den politiske erfaringa utfordrar dagens statskyrkjesystem. Det er lokalkyrkjelyden som er grunneininga og utgangspunktet for ei levande kyrkje.

3. Kva er kjernen i di forkynning av Guds ord?

Å møte menneska sine lengsler og djupaste spørsmål er eit nødvendig utgangspunkt for forkynninga. Forsoninga og frigjeringa i Jesus Kristus er sentrum og den berande krafta i mi forkynning. Det betyr å vektlegge Guds grenselause nåde til å kvile i og den kristne trua som inspirasjon til fellesskap og handling. For meg betyr det også å forkynne til bøn og etterfølgjing.

4. Kva vil du som biskop leggje vekt på i rolla som leiar/åndeleg leiar?

- Å vere rådgevar, støtte og vegleiar for medarbeidarar og kyrkjelydar, med eit særleg ansvar for prestane og prostane
- Initiere prosessar og vere medspelar
- Å vere ein åndeleg leiar og inspirator som set dagsorden og er samlande symbol

Som person er biskopen først og fremst åndeleg leiar, men som institusjon har biskopen brei kompetanse og leiarskap gjennom prostekollegiet og staben på bispedømekontoret. Som strategisk organ har bispedømerådet ei nøkkelrolle i biskopens leiarskap.

5. Fortel kort om dine personlege eigenskapar/åndelege utrustning/nådeåver.

Av natur er eg optimist som trur det går an å finne løysingar og som likar å arbeide med byggande og målretta perspektiv. Det betyr ikkje at eg går utanom vanskelege spørsmål og kompliserte saker. Å arbeide seg gjennom spenningar og vanskar på ein open og ærleg måte er grunnleggande for å nå gode mål.

Som person er eg open og utadvendt, kontaktskapande og likar å bygge nettverk. Eg er oppteken av å vere brubyggar i forhold til kristne organisasjonar og andre kyrkjesamfunn. Det almenne kultur- og samfunnslivet har alltid hatt mi interesse.

I to periodar har eg gått i åndeleg vegleiing i ignatiansk tradisjon, med stille retreat og meditasjon. Det har gitt meg fornya tru på og glede i å vere stille i bøn og meditasjon og å lytte til Guds leiing i livet. Å søke og vente på Gud har gitt meg viktige opplevingar og erfaringar.

6. Karakteriser deg sjølv som kommunikator.

Som predikant legg eg vekt på å vere aktuell og mest muleg muntleg i forma, med bruk av bilder, symbol og konkretiseringar. Som liturg kommuniserer eg i måten eg leier gudstenestene på, med vekt på medansvar og involvering av lekfolk (også barn og unge). Det er viktig å skape fridom og tryggleik i kyrkjerommet og i den liturgiske handlinga. Eg har god erfaring og føler meg trygg i møte med pressa og tenkjer at det er viktig at kyrkja er synleg i det offentlege rom, også gjennom media. Produksjonen av artiklar og bøker og engasjement som talar og foredragshaldar har gitt meg ei brei plattform som kommunikator.

7. Mange teologiske og kyrkjepolitiske saker er på dagsorden i kyrkja.

Nemn dei sakene du sjølv synest er mest avgjerande, og kva syn du har i desse sakene.

- Statskyrkja er omtala ovanfor under avsnittet Kyrkjeforståing. Uansett kyrkjeordning er det viktig at kyrkja er innbydande og open, men også oppsøkande.
- Homofilisporalet er viktig og vanskeleg. Det tek mykje tid og merksemd, men det må ikkje take motet frå oss. Vi må ikkje gløyme at dette faktisk handlar om kjærleik. Det må gjere oss audmjuke. Eg vil ikkje kunne vigsle homofilt sambuande til kyrkjelege stillingar og er grunnleggande kritisk til den nye ekteskapslova.
- Kyrkja som kulturberar og ramme for livstolking krev at vi er aktive forvaltarar av kulturarven og gir rom for skapande kunst og kultur slik kulturmeldinga "Kunsten å være kirke" legg opp til.

- Vern om skaparverket, både menneskelivet og den truga jordkloda, er viktige tema som kyrkja må engasjere seg tydeleg i.

8. Gi ein kort refleksjon om kyrkjelydsutvikling i Den norske kyrkja?

Kyrkjelydsutvikling er eit målretta arbeid for å gjere kyrkjelydane betre istand til å vere og gjere det dei er kalla til å vere - opne, vedkjennande, tenande og misjonerande. Dette arbeidet må forankrast i dei lokale kyrkjelydane og vi må vere opne for variasjonar i dette bildet. Det trengs utvikling av eit meir dynamisk samspel mellom stab og frivillige i kyrkjelydsarbeidet. Det har vore stor fagleg utvikling på dette feltet i den seinare tid. Eg ser med glede på den inspirasjon dette gir til det byggande kyrkjelydsarbeidet. Tilpassning i forhold til folkekyrkja krev også eit visst kritisk blick på aktuelle arbeidsmetodar for kyrkjelydsutvikling.

9. Del nokre av dine tankar om religionsdialog, økumenikk og misjon.

- Religionsdialog er viktig for fredsarbeid og avspenning. Det er nødvendig med kunnskap om og respekt for andre religionar og kulturar, men det er også avgjerande å vere trygg på eigen ståstad og verdiforankring. I religionsdialogen må vi vere opne og møte alle truande menneske med respekt og tillit.
- I økumenisk samanheng er det viktig å sjå kvarandre som trusfellar og legge vekt på det vi står saman om av kristen tru og verdiar, ikkje minst lokalt. Vektinga av det som er forskjellig og det som skiljer oss i trusspørsmål, og i praktiske og gudstenestelege handlingar, må vurderast i lys av heilskapen.
- Misjon er eit grunnleggande oppdrag i det å vere kyrkje, ikkje bare som ei ytre handling, men som del av kyrkja sitt vesen. Ord i Det nye testamta som "Gå ut i all verda..." og "Det fins ikkje frelse i nokon annan..." er utfordrande i sitt eksklusive innhald. Men utan dette perspektivet blir kristendomens kjernebodskap vag og utydeleg. Vi må halde fast på at bodskapen om frelse og forsoning i Jesus Kristus er avgjerande for kyrkja si sjølvforståing.

Personalia og bakgrunn

Namn	Øystein Bjørdal
Adresse	Storevikvn. 4, 6412 Molde
Fødselsdato	24.08.1948 i Ørsta
Sivil status	Gift og tre voksne barn
Utdanning	<ul style="list-style-type: none"> - Examen Artium, Ålesund Gymnas 1968 - St.Olaf College, Minnesota, 1971/72, Studier i musikk og idéhistorie - Sangstudier med Gunnar Marthinsen, Norges Musikkhøyskole, 1974-76 - Cand.theol. frå Menighetsfakultetet, 1976 - Praktisk-teologisk seminar, Menighetsfakultetet, 1977 - Master of Theology (M.Th.) frå Luther Northwestern Theological Seminary, Minnesota, 1982/83 - Familieterapeutisk grunnutdanning (1-årig) ved Norsk Psykiatrisk Forening/Legeforeningen, Førde 1986/87 - Ledelsesprosjektet, Lederopplæringsrådet 1988
Hovudkarakter ved teologisk embetseksamen	Haud ill. Primi gradus
Eventuelle faglege publikasjonar	<ul style="list-style-type: none"> - <i>Lex Orandi - Lex Credendi. A Lutheran Approach to Liturgical Theology</i> (M.Th. Thesis), St.Paul, Minnesota 1983 - <i>Tro og tilbedelse. Skisser til en liturgisk teologi</i>, Verbum, Oslo 1986 - <i>Mellom skapelse og gjenløsning. Gudstjenesten i fokus</i>, (red. saman med J.Fevang), PF's studiebibliotek 1989 - Redaktør Luthersk Kirketidende, 1991-2001 - <i>Engelen ved din side</i> (med O.Skjevesland), Verbum 1994 - <i>I Vesterveg - På spor etter røttene til 1000-års jubileet for kristningen av Norge</i> - red. jubileumsskrift av Luthersk Kirketidende, Pinse 1995 - Hovedred. av Liturgisk Skriftserie nr.1-7, Liturgisk senter 1997 - 2000 - <i>Incarnation and Creativity</i>, Ed. by Øystein Bjørdal, Trondheim 1997 - "Ein salme av lys, ein salme av stein" - salmebidrag i Salmer 1997 - "Kom du Hellig Ånd" – salmeomsetjing saman med Olav Garcia de Presno, Salmer 1997 - Medforfattar av <i>Våre tider i Guds hånd. Kirkens</i>

	<p><i>tjeneste ved dåp, konfirmasjon, vigsel og gravferd, Verbum 1998.</i></p> <ul style="list-style-type: none"> - <i>Kilden og veiene. En praktisk pilegrimsteologi</i> (red. saman med B. Hardeberg), Trondheim 2000 - <i>Helse, liv og mot. Om ritualer og symboler i hverdag og helse</i>, Liturgisk Skriftserie nr. 8, Trondheim 2001 - <i>Pilgrimage to Nidaros. A Practical Pilgrimage Theology</i>, Trondheim 2003 (red. saman med B. Hardeberg) - Artiklar av nyare dato: "Den urkristne gudstenesta og vår" – respons på eit foredrag av O. C. Hanssen i <i>Gudstjenestefornyelse og menighetsutvikling</i>, T. Hesselberg (red.), Oslo 2007 "Liturgifornyelse. Noen norske erfaringer og perspektiver" i <i>Ichthys. Dansk Tidsskrift for Teologi og Kirke</i> nr.2/2008
Arbeidspraksis	<ul style="list-style-type: none"> - Residerande kapellan i Førde, Sunnfjord, 1977-87 - Sokneprest Lilleborg menighet, Oslo, 1987-91 - Amanuensis i praktisk teologi, Menighetsfakultetet, 1991-95 - Amanuensis og førstelektor i praktisk teologi med hovudansvar for liturgikk, MF, 1995 – 2002 (perm 1.1.97 – 1.8.2000) - Studierektor Liturgisk senter, Dnk, 1997-2000 - Domprost i Molde, 2002 -
Tillitsverv og engasjement	<p><u><i>Tillitsverv:</i></u></p> <ul style="list-style-type: none"> - Studentrepr. til Fakultetsrådet, MF 1974 - Vararepr. til Bjørgvin Bispedømmeråd, 1982-86 - Formann i Santalmisjonen, Sogn og Fjordane krins, 1985-87 - Leiar for Presteforeninga (PF) og Organistforbundets etterutdannings-prosjekt "Nytt i Guds hus", 1988-93 - Medlem og nestformann i Kyrkjerådets Gudstenesteråd/Nemnd for Gudstenesteliv, 1989-2000 - Medlem av "Menighet og Misjon", NMS, Oslo krets, 1990-91 - Medlem i Kirkemusikalsk Råd, Oslo bispedømme, 1991-97 - Formann i Oslo Domkirkes Guttekor 1991-93 - Fagleg ressursperson i Oslo domkirke 1993-95, ansvar for fredagens morgongudsteneste - Komite-leiar for Kyrkjemøtet sitt initiativ til ny "Familiemesse", 1993-96 - Medlem i Uranienborg menighetsråd, 1994-97 - Leiar av Kyrkjerådets komite for revidering av gravferdsordninga, 1996-1998 - Leiar Norges Kirkesangforbund, 1999–2007 - Medlem av PF's fagutval for liturgi, 2000–2003

	<ul style="list-style-type: none"> - Medlem av Kyrkjerådets komite for ny Bønebok for Den norske kyrkje, 2000-2001 - Medlem av Liturgisk utval, Kyrkjerådet, 2005–2008 - Medlem av Kyrkjedepartementets komite for prosteutvikling 2008-09 - Leiar av Kyrkjerådets Nemnd for Gudstenesteliv 2008 - Leiar av Kyrkjerådets evalueringsutval for ny salmebok 2008 - <p><u>Engasjement - nasjonalt</u></p> <ul style="list-style-type: none"> - Korsongar Oslo Domkor og Grex Vocalis, 1971-75 - Kor-og solistoppdrag i fjernsynsprod. "Herodes" (1974 liturgisk drama om Jesu fødsel) - Konsulent for Sogn og Fjordane Teater på teaterstykket "Nytt år for Rosa" (1985), av den katolske forfattar Descalzo - Saman med teatersjef Anne Gullestad, ansvarleg for tekstlesarkurs i Bjørgvin bispedømme 1986 - Ein av initiativtakarane til Tomasmessene i Norge, medlem av arb.utv. for Tomasmessa i Uranienborg Kirke, Oslo, 1993-98 - Mellomkyrkjeleg Råds repr./sekr. for den internasjonale, økumeniske gudstenesta ved Nidarosdomen Olsok 1997 (Norske Kyrkjedagar/ Trondheims 1000 års-jubileum) - Leiar av cellegruppe i Molde, 2003 – <p><u>Engasjement – internasjonalt</u></p> <ul style="list-style-type: none"> - Korsongar St.Olaf College Choir, Minnesota, 1971-72 - Predikant og gjestelærer på St.Olaf College, Minnesota, januar-februar 1977 (eit samarbeid mellom Oslo biskop, ANSA og St.Olaf College) - Leiar av støtteaksjonen Norge - Polen, Sunnfjord, 1984-86 - Ansvar på vegne av Bjørgvin biskop for tilrettelegging av Kardinal Josef Glemps besøk i Sunnfjord, mai 87 - Medlem av arb.utv. for "Vennskapsskipet Norge – Polen", 1988 - York, England 1994: "På leiting etter røtter til 1000 års jubileet". Ansvarleg for etterutdanningskurs for kyrkjelege medarbeidarar - Fordragshaldar på "Conference on Theology and Music", Luther Seminary/St.Olaf College, Minnesota 1995 - Den norske kyrkja sin representant i Det lutherske verdsforbundets studieteam "Worship and Culture", 1995 - 1998 - I regi av KV foredrag på det økumeniske seminaret i Bose-klosteret i Nord-Italia om helgnar og martyrar – "A Cloud of Witness. A Lutheran Perspective", 2008
Anna	

